



Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Na osnovu člana 13. stav 2. alineja 5. Zakona o principima lokalne samouprave u Federaciji BiH („Službene novine FBiH“, broj 49/2006) i člana 101. Statuta Općine Breza („Službeni glasnik Općine Breza“, broj 10/07 i 5/08), Općinsko vijeće Breza na sjednici održanoj dana 26.06.2008. godine, donosi

## **O D L U K U**

**o produženju prava korištenja Sportsko-rekreacionog  
centra „ADA“ u Brezi Rudniku mrkog uglja Breza d.o.o. Breza**

### **Član 1.**

Rudniku mrkog uglja „Breza“ d.o.o. Breza produžava se pravo korištenja Sportsko-rekreacionog centra „ADA“ Breza koji se nalazi na zemljištu označenom kao k.č.br. 686/124 k.o. Smrekovica (s.p.) što odgovara k.č.br. 552 k.o. Breza (n.p.) upisan u posjedovni list br. 136/02, počev od 20.05.2008. do 20.05.2009. godine.

### **Član 2.**

Način korištenja i obaveze korisnika regulisat će se posebnim ugovorom, po cijeni i elementima utvrđenim u ugovoru broj: 01/1-02-142/03 od 20.05.2003. godine.

### **Član 3.**

Za realizaciju ove Odluke i zaključivanje ugovora zadužuje se Općinski načelnik.

### **Član 4.**

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1864/08  
Breza, 26.06.2008. godine

**PREDSJEDAVAJUĆI**  
Općinskog vijeća  
Vinko Pandža, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 115. stav 2. Statuta Općine Breza („Službeni glasnik Općine Breza“, broj 10/07 i 5/08), a u skladu sa Memorandumom o razumijevanju broj: 01/2-05-1158/08 zaključenim dana 17.04.2008. godine između Općine Breza i Projekta upravne odgovornosti u Bosni i Hercegovini, Općinsko vijeće Breza, na sjednici održanoj dana 26.06.2008. godine, donosi

## **O D L U K U**

### **o pretpostavkama, načelima i načinu izrade Programa kapitalnih investicija Općine Breza**

#### **Član 1.**

Usvajaju se pretpostavke, načela i način izrade Programa kapitalnih investicija (skraćeno PKI) Općine Breza u skladu sa aneksom broj 1. ove Odluke.

#### **Član 2.**

Obavezuje se Općinski načelnik da razradi i predoči vijeću nacrt Programa kapitalnih investicija za pet godina zajedno sa odgovarajućim prijedlogom Odluke vijeća u roku od 3 mjeseca od dana stupanja na snagu ove Odluke.

#### **Član 3.**

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1865/08  
Breza, 26.06.2008.godine

**PREDSJEDAVAJUĆI**  
Općinskog vijeća  
Vinko Pandža,s.r.

**ANEKS 1****PRETPOSTAVKE, NAČELA I NAČIN STVARANJA  
KAPITALNIH INVESTICIJA OPĆINE BREZA*****I. Opšte pretpostavke***

- 1) Program Kapitalnih investicija predstavlja višegodišnji plan razvoja općine i poboljšanja standarda u sferi upravljanja javnim dobrima općine. Njegov cilj je utvrditi, u okvirima važećih zakonskih propisa i na osnovu organizacionih i finansijskih mogućnosti, visinu dugoročnih izdataka za organizovanu izgradnju, modernizaciju i poboljšanje tehničke i društvene infrastrukture općine. Program takođe predstavlja osnovni mehanizam koordinacije procesa realizacije investicija.
- 2) Načela i kriteriji za ocjenjivanje investicionih projekata će uzimati u obzir slijedeće:
  - Potrebu dosljednog poboljšanja kvaliteta života građana,
  - Neophodnost unapređenja uslova za funkcionisanje privrede u gradu,
  - Kulturne, ekološke i prostorne uslove koje općina postavlja,
  - Uticaj predložene investicije na realizaciju strateških planova općine,
  - Uticaj procesa realizacije Programa na podsticanje sveopšteg razvoja općine i na privlačenje inostranog investicijskog kapitala.
- 3) Pri donošenju Odluka o uključivanju pojedinih projekata u Program kapitalnih investicija prednost će imati investicije:
  - Čija je realizacija neophodna kako bi se ispunili zakonski uslovi,
  - Koje su započete i čiji je nastavak neophodan kako bi se postigao predviđeni efekat,
  - Koje omogućavaju povećanje broja novih radnih mjesta,
  - Koje omogućavaju smanjenje tekućih budžetskih izdataka kroz smanjenje troškova održavanja ili obima posla, ili doprinose rastu opštinskih prihoda,
  - Koje obezbjeđuju ili unapređuju pružanje usluga znatnom broju građana,
  - Koje su u skladu sa opštim očekivanjima javnosti.
- 4) Kriterije rangiranja investicionih projekata i principe za njihovo bodovanje će donijeti Općinski načelnik u formi odluke.
- 5) Konačna lista investicionih projekata, prema prihvaćenim kriterijima, će u okviru Programa kapitalnih investicija biti prilagođena, u svom finansijskom nivou, sljedećem:
  - Višegodišnjoj projekciji općinskih prihoda,
  - Višegodišnjoj procjeni općinskih tekućih troškova,
  - Stanju raspoloživih sredstava, za svaku godinu posebno, kao i dugoročno,
  - Konceptiji finansiranja investicija uz pomoć instrumenata zaduživanja (prije svega, preferencijalnih kredita, općinskih i prihodnih obveznica i investicionih kredita),

- Mogućnostima finansiranja investicija iz spoljnjih izvora kapitala u okviru partnerstva između javnog i privatnog sektora.

## ***II. Principi za razrađivanje Programa kapitalnih investicija***

- 1) Program kapitalnih investicija će biti:
  - Petogodišnji program,
  - Program progresivnog karaktera, što znači da će nakon realizacije projekata predviđenih za 1 godinu biti dopunjavan projektima za novu, petu godinu, koja zaokružuje Program. Istovremeno, ukoliko bude potrebno, biće ažuriran za naredne četiri budžetske godine,
  - Usvojen od strane vijeća prije usvajanja budžeta za narednu godinu,
  - Osnova za izradu investicionog aneksa budžeta za naredne godine,
  - Program koji će obuhvatiti općinske investicije u vrijednosti preko 100.000,00 KM koji sprovodi općinski organ (novi građevinski i tehnički poduhvati, ulaganje u rekonstrukciju/obnovu, investicije u cilju modernizacije, investicijska kupovina, poboljšanje),
  - Pripreman na osnovu jedinstvenog obrasca tzv. prijedloga za investiranje, dostavljenog u formi koju odredi Općinski načelnik, a Program će pripremiti vijećnici, komisije Općinskog vijeća, Općinski načelnik, općinske službe i drugi subjekti, organizacije i građani općine.

## ***III. Način razrađivanja Programa kapitalnih investicija***

- Rad na Programu će predvoditi Koordinacioni tim, kojeg će imenovati Općinski načelnik, u saradnji sa pojedinim općinskim službama,
  - Općinski načelnik će imenovati sastav Koordinacionog tima za rad na Programu i odrediti okvir kompetencija članova tima. Ovaj tim će se sastojati od Općinskog načelnika, predstavnika vijeća, zaposlenika u općinskoj upravi i predstavnika lokalnih udruženja građana.
  - Tim će utvrđivati listu investicionih projekata prihvaćenih za preliminarnu analizu, dodjeljivati bodove pojedinim projektima, rangirati ih prema broju bodova, kao i proslijediti Program kapitalnih investicija načelniku općine. Lista prioriternih investicija, kako novih tako i onih koje se nastavljaju od ranije, nakon što je načelnik usvoji, će biti osnova za izradu nacrtu Programa, koji će se dostaviti Općinskom vijeću na usvajanje,
  - Općinski načelnik će u formi odluke odrediti plan i dinamiku rada na Programu, za vremenski period od 2006-2010 godine.
- 
-

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1866/08  
Dana, 26.06.2008.godine

Na osnovu člana 115. stav 3. Statuta Općine Breza („Službeni glasnik Općine Breza”, broj 10/07 i 5/08), Općinsko vijeće Breza, na sjednici održanoj dana 26.06.2008. godine, d o n o s i

## **Z A K L J U Č A K**

1. Vijeće konstatuje da je općina Breza partner u implementaciji projekta GAP, kojeg finansiraju vlade SAD, Švedske i Holandije, s ciljem daljeg razvoja općinskih usluga i demokratske, odgovorne vlasti u BiH.
2. Vijeće konstatuje da je u proteklom periodu općina Breza postigla značajne rezultate u saradnji sa projektom GAP, kao što je uspostavljanje Centra za usluge građanima, unapređenje finansijskog upravljanja, razvoj urbanizma i planiranja kapitalnih projekata.
3. Takođe se konstatuje da je Vijeće odlučno u nastojanju da nastavi saradnju sa projektom GAP u cilju postizanja daljih rezultata, za dobrobit građana općine Breza, pri čemu će ta saradnja, pored ostalog, uključiti unapređenja u upravljanju budžetom, planiranja kapitalnih projekata, povećanja prihoda, pristup tržištu konsultantskih usluga, kao i sufinansiranje kapitalnih projekata.
4. Konstatuje se da će jedan segment pomenute GAP-ove pomoći biti definisan prema potrebama općine, u obliku Općinskog akcionog plana (skr. MAP), u cilju čije izrade je formirana radna grupa općine (MAP radna grupa).
5. Vijeću je poznato da je MAP radnoj grupi obezbjeđen trening i tehnička podrška od strane GAP-a po pitanju selekcije oblasti /projekata za unapređenja/ i njihove buduće implementacije. Uz konsultacije sa Vijećem i uvažavajući mišljenje građana, a na osnovu GAP-ovih kriterijuma za odabir, MAP radna grupa je pripremila prijedlog liste oblasti-projekata u kojima će GAP pružiti materijalnu i tehničku podršku.
6. Imajući u vidu sve navedeno, a u cilju početka izrade konkretnih općinskih akcionih planova i definisanja rasporeda-prioriteta u njihovoj implementaciji, MAP radna grupa traži od Vijeća saglasnost na predloženu listu projekata.
7. Vijeće je saglasno sa svim do sada obavljenim aktivnostima MAP radne grupe uključujući i predloženu listu projekata.
8. Vijeće daje svu podršku MAP radnoj grupi, za nastavak predviđenih aktivnosti, kao što je izrada plana implementacije za projekte izabrane od strane MAP radne grupe u saradnji sa GAP-om.

9. O svim daljim aktivnostima na izradi akcionih planova i implementaciji projekata, MAP radna grupa dužna je da redovno izvještava Vijeće.

10. Ovaj zaključak bit će objavljen u „Službenom glasniku Općine Breza”.

Predsjedavajući  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1868/08  
Breza, 30.06.2008.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 10/07 i 5/08) prilikom Izvještaja komisije o kontroli primjene važećih akata u ugovornim zdravstvenim ustanovama Zeničko-dobojskog kantona, Općinsko vijeće Breza na sjednici održanoj dana 26.06.2008. godine, donosi

## **ZAKLJUČAK**

### **I**

Da se uputi dopis nadležnim kantonalnim organima po pitanju zdravstvene zaštite stanovništva općine Breza.

### **II**

Zadužuju se predsjednici klubova parlamentarnih stranaka Općinskog vijeće Breza da kreiraju i predložene tekst dopisa.

### **III**

Za realizaciju ovog Zaključka zadužuje se Predsjedavajući Općinskog vijeća i stručna služba.

### **IV**

Ovaj Zaključak stupa na snagu osmog dana od dana objavljivanja u „Službenom glasniku Općine Breza.

Dostavljeno:  
1x Predsjednici klubova  
1x Policijska stanica Breza,  
1x 01/1,  
1x a/a

**PREDSJEDAVAJUĆI**  
Općinskog vijeća  
Vinko Pandža,s.r.

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1869/08  
Breza, 26.06.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja usmene inicijative o izmjeni režima saobraćaja u gradu Brezi, Općinsko vijeće Breza na sjednici održanoj dana 26.06.2008. godine, donosi

## **ZAKLJUČAK**

### **I**

Da se izvidi mogućnost izmjene Odluke o bezbjednosti saobraćaja na području Općine Breza u pogledu zabrane saobraćaja ulicom Alije Izetbegovića i preusmjeravanja na ulice: Titovom, Bogumilskom i novoizgrađenom ulicom „Žrtava genocida u Srebrenici“.

### **II**

Režim preusmjeravanja saobraćaja odnosi se na ljetni period i u večernjim satima.

Prilikom razmatranja Zaključka i predlaganja izmjene Odluke o bezbjednosti saobraćaja neophodno je sprovesti proceduru propisanu zakonom tj. obezbijediti saglasnost nadležnog ministarstva, kao i mišljenje Policijske uprave Visoko.

### **III**

Za realizaciju ovog Zaključka zadužuje se Služba za privredu, finansije i opću upravu.

### **IV**

Rok naredna sjednica Općinskog vijeća.

### **V**

Ovaj Zaključak stupa na snagu osmog dana od dana objavljivanja u „Službenom glasniku Općine Breza“.

Dostavljeno:  
1x Služba za privredu, fin. i opću upr.  
1x Policijska stanica Breza,  
1x 01/1,  
1x a/a

**PREDSJEDAVAJUĆI**  
Općinskog vijeća  
Vinko Pandža, s.r.

---

---

---

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA BREZA**  
Općinsko vijeće

Broj: 01/1-02-1867/08  
Breza, 26.06.2008.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Programa održavanja privredno,kulturne i sportske manifestacije „Bazenijada 2008“ godine, Općinsko vijeće Breza na sjednici održanoj dana 26.06.2008. godine, donosi

## **ZAKLJUČAK**

### **I**

**USVAJA SE** Program održavanja privredno, kulturne i sportske manifestacije „Bazenijada 2008“. godine.

### **II**

Za realizaciju ovog Zaključka zadužuje se Općinski načelnik.

### **III**

Ovaj Zaključak stupa na snagu osmog dana od dana objavljivanja u „Službenom glasniku Općine Breza.

Dostavljeno:  
1x Općinski načelnik,  
1x 01/1,  
1x a/a

**PREDSJEDAVAJUĆI**  
Općinskog vijeća  
Vinko Pandža,s.r.

---

---



